

U skladu sa odredbama člana 12. i člana 15. Pravilnika o uvođenju, kategoriziranju i dodjeljivanju nagrada Fondacije „Idriz Jakupović“, na osnovu Izveštaja Komisije za dodjelu nagrada za postignuće u izgradnji socijalne pravde i socijalne uključenosti „Societas fundatio“, u cilju promoviranja najviših civilizacijskih vrijednosti i postignuća u društvu u kategoriji izgradnja socijalne pravde i socijalne uključenosti, Upravni odbor Fondacije „Idriz Jakupović“ na svojoj 14.sjednici koja je održana dana 02.04.2018.godine u Prijedoru, donio je s l j e d e ć u

## **ODLUKU**

**o dodjeli nagrade za postignuće u izgradnji socijalne pravde i socijalne uključenosti  
„Societas fundatio“**

*n a i m e*

**MURISA MARIĆ**

*iz Bosne i Hercegovine.*

## **Obrazloženje**

Komisija za dodjelu nagrade za postignuće u izgradnji socijalne pravde i socijalne uključenosti „Societas fundatio“, u sastavu: Dr.sci.Anes Cerić (Velika Britanija), predsjednik, Prof.dr.sci.Roberto Cavallaro (Italija), član, Prim.dr.med.Azra Pašalić, (Bosna i Hercegovina), član, Prof.dr.sci.Kiyomet Tunca Çalıyurt (Turska),član, Hajro Halilović, diplomirani defektolog (Njemačka),član, Mr.sci.Vladimir Subotić, magistar ekonomije (Bosna i Hercegovina), Fikret Jakupović, diplomirani inženjer (Bosna i Hercegovina), član, imenovana je od strane Upravnog odbora Fondacije „Idriz Jakupović“ odlukom broj: 03-02/2018 od 16.02.2018.godine da izvrši postupak vrednovanja nominiranih kandidata za dodjelu nagrade Fondacije u datoj kategoriji.

Za predmetnu nagradu Fondacije, u užem krugu izbora, nominirana su tri kandidata i to: Murisa Marić, Ranka Mišić i Semira Hoffmann, svi iz Bosne i Hercegovine.

Komisija je, u skladu sa datim Kriterijima (interni broj:KKDN-01-1/2018), izvršila vrednovanje nominiranih kandidata i zaključila da nominirani kandidat Murisa Marić ima najveći rang osvojenih bodova, o čemu je sačinjen Izveštaj imenovane Komisije broj: N-11/SoF od 30.03.2018.godine, koji je upućen Upravnom odboru Fondacije na razmatranje i usvajanje.

Razmatrajući predmetni Izveštaj Komisije, Upravni odbor Fondacije je na svojoj 14. sjednici koja je održana dana 02.04.2018.godine odlučio kao u dispozitivu.

U prilogu se dostavljaju relevantni biografski podaci o dobitniku nagrade.

Broj odluke Upravnog odbora: 11-05/2018

Datum Odluke: 02.04.2018. godine.

**Direktor Fondacije**  
Dr.med.dent.Ajdin Jakupović

**Predsjednik Upravnog odbora Fondacije**  
Prof.dr.sci.Sanel Jakupović

## PRILOG

uz Odluku Upravnog odbora Fondacije za stipendiranje učenika i studenata „Idriz Jakupović“ o dodjeli nagrade za postignuće u izgradnji socijalne pravde i socijalne uključenosti „Societas fundatio“, broj: 11-05/2018 od 02.04.2018.godine

### BIOGRAFSKI PODACI O DOBITNIKU NAGRADE „SOCIETAS FUNDATIO“

#### MURISA MARIĆ



Fotografija Murisa Marić

**Murisa Marić** (rod. *Kandžić*) je rođena 11.09.1963.godine u Prijedoru, u radničkoj porodici. Po struci je diplomirani ekonomista. Udata je za Željka Marića, majka dvoje djece i baka troje unučića. Tokom 1996.godine radi i saraduje sa nizom nevladinih organizacija, a tokom 1997. godine sa grupom entuzijasta osniva Udruženje “DON” koje je registrovano i svoj zvanični rad započelo 1998.godine. Prve godine rada Udruženja vezane su za humanitarni rad i pomoć izbjeglom i raseljenom stanovništvu pri povratku u ranije mjesto prebivališta. Prepoznata kao veliki entuzijasta od strane Misije OSCEa, u periodu 1998 do 2000 radi kao jedan od 14 ljudi u programu “Posrednici u zajednici”, čiji je cilj omogućiti dijalog i saradnju u najkritičnijim opštinama u zoni entitetskog razgraničenja.

Podjednako u periodu od 1998-2002 Udruženje na čijem je čelu najveći akcenat stavlja na obezbjeđenje ekonomske podrške velikom broju domaćinstava širom prijedorske regije, kao i Unsko-sanskog kantona na održivom povratku. Prve godine rada Udruženja doprinijele su i prvom učešću građana u nestarnačkom posmatranju izbornog procesa, koje je i danas sastavni dio uspješne dvadesetogodišnje priče Udruženja. Ovo su ujedno i prva organizovana građanska učešća u procesu odlučivanja i učešća u odlučivanju. Tadašnji rad vezan je za razvoj mjesnih zajednica kao osnovnih ćelija društva u kojima građani ostvaruju svoje puno učešće. Razvijajući metodologiju primjenjivu za sve zajednice kreće se sa kreiranjem prvih lokalnih akcionih planova koji omogućavaju neposredno učešće građana u odlučivanju. Zahvaljujući godinama rada i angažovanja, razradom i primjenom metodologije kreiranja planova razvoja “odozdo ka gore”, učestvujući na međunarodnim takmičenjima i ovaj segment je prepoznat kao veoma važan, a prva nagrada dobijena 2003.godine u Rumuniji (Temišvar), gdje je od 110 prijavljenih upravo ova metodologija osvojila prvo mjesto.

Rad sa građanima i metodologija neposrednih učešća je ušla i u 10 svjetskih metodologija kao jedina iz Evrope. Godine tranzicije i promjena kako na političkoj tako i na društvenoj sceni doprinijele su i promjenama u radu samog udruženja koje svoje težište rada stavlja na edukaciju i obrazovanje građana kako bi se stvorili preduslovi za ekonomski boljitak i nepredak. Savjesno obavljajući rad sada već kao izvršni direktor Udruženja, radeći na potrebama građana 2008. godine Udruženje se opredjeljuje za rad sa potrošačima kao kategorijom koja obuhvata sve građane bez obzira na političko opredjeljenje, vjeru ili rasu, što se pokazuje kao najviše zapostavljen segment na našim prostorima. Već deset godina traje neprekidna i nepresušna potrošačka priča koja, iako postoji zakonsko određenje, još uvijek je na samom početku. Pored rada sa potrošačima, rad sa djecom i mladima doprinio je otvaranju Lokalnog volonterskog servisa u Prijedoru, organizovanju niza multietničkih kampova za mlade širom BiH, kao i posebnog Kampa za djecu koji je trajao 6 godina pod nazivom “Kamp dječijih osmijeha” za osnovce prijedorskih škola. Prepoznajući potrebe nezaposlenih lica ali i starih lica bez staranja, omogućena je obuka za gerontološke domaćice, što se pokazalo kao još jedan izuzetan segment veoma zapostavljen u našoj državi.

Udruženje pod vodstvom Murise Marić prvo je udruženje u Prijedoru nagrađeno nagradom Grada za poseban doprinos u razvoju Grada Prijedora. U 2017. godini Ministarstvo omladine i sporta u Vladi Republike Srpske proglašava Udruženje DON najboljim organizatorom volontiranja u Republici Srpskoj, a dugi niz godina Udruženje ima ili najbolje volontere ili volontere koji se u grupi top 10.

Današnji rad Murise Marić vezan je za izrade Strategija Neprofitnog socijalnog stanovanja (Prijedor, Banja Luka, Mostar, Srebrenica, Bosansko podrinjski kanton) izradu Zakona socijalnog stanovanja (ZEDO I BPK), Akcionih planova socio-ekonomske održivosti (Bugojno, Travnik, Novi Travnik, Goražde, Bosansko Grahovo, Drvar, Dobo, Žepče, Zavidovići, Vareš) , Lokalnih planova readmisije (Bihać, Bosanski Petrovac, Kostajnica, Novi Grad, Kotor Varoš, Foča, Stari Grad Sarajevo, Bileća, Brško Distrikt, Goražde, Tuzla) i druge aktivnosti.